


金陵旌德會館志

9220.11  
102-942  
31



卷二

三

金陵旌德會館志目次

一 原始 碑記附

二 沿革 館章附

三 集會

四 產契

五 產圖

金陵旌德會館志

目錄

序

金陵爲東南重鎮士夫爭趨商旅走集僑於斯土者咸有會館之構遠者省有其一近者縣有其一惟旌邑之館乃獨有其三旌之人衣食於此豈果衆於他省而倍於他邑哉在邑乘風俗之傳曰旌民好義急公知親其上旌之僑旅未較他省邑加多也而館之構一再之不足必至於三斯可見其義問矣吾聞之構館者皆賈人下至操末技隸走販莫不銖釁寸積以益之而舍屋務求其擴則以秋闈下榻之士較他邑爲多有清一代棘闈榜發皖以南多士之選旌固裒然首列也泊科舉旣罷館務宜少衰而二十年來產日增業日擴旌之人無長幼皆知邑有館館之執事無待檢冊籍亦莫不知僑居者若干家家幾人是果何道哉是不能不歸功於經董之得人與夫聯合之有法也初三館各爲標幟勢若甚渙及光緒三十二年吾師李公希白與江君幹卿暨家兄蔚文併三館一事權補敝救偏畫治事理財爲二而互相策進春秋掃祭伏臘讌飲聚鄉人士於一堂通其欸悽故相見如家人昆季館固知鄉人之幾何鄉人亦無輕去其籍也歲甲子李師以現任領職二十餘年堅欲卸仔肩鄉人未之許改訂館章組職員會事店董分治仍舊貫而明訂其制復以事董况李師辭不獲今又三年矣師以時變日亟產契尤重徒保管之恐不虞倡議輯金陵旌德會館志

金陵旌德會館志

一

一

館志繪屋圖廣其傳資鄉人之共管而以編纂責諸沅旣承命謬爲撮掇分原始沿革集會產契產圖爲五目編旣竟重思之曰今天下何嘗有籍貫云哉東西南北之人所至皆爲其籍也有及其身曾不知所歷爲幾籍者矣更安問童子釣游之處祖宗邱墓之鄉耶而吾邑人士乃獨以館務爲斤斤吾師焉更以館產繁慮斯亦見吾邑之淳風不爲澆俗所易矣

民國十六年太歲丁卯八月邑人任治沅夢湘甫謹序

旌邑館志序

人生斯世貴有所建樹有個人爲個人而建樹者有個人爲多數人而建樹者有多數人而爲多數人建樹者會館之所以興蓋由於多數人爲多數人而建樹以羣策羣力爲同鄉造福也吾邑會館之建由來久矣當清同治間紅巾甫靖鄉先輩之在甯旅居者恢復而擴充之雖犧牲其金錢耗費其精力而不顧迄今同鄉受其蔭庇觀物思人飲水思源能不惕然有以圖保存而留紀念乎讀三會館公議合詞知先祖鑑湖公當時亦相與爲力距今六十餘年亮以爲勇於公益不逮前輩爲之感慨唏噓者久之鄉耆李希白先生對於本館繼續經營爲時既久爲力尤多倡纂館志俾資保守同人等莫不欣然贊成公推任君夢湖主其事書成同鄉各執一編使閱者知先輩創業之不易而思有以圖保存而留紀念也爰書此以志之

中華民國十七年歲次戊辰孟夏旌陽江澤亮誠卿甫序於金陵無可無不可齋

旌邑館志序

旌邑之有館始於清乾隆四年邑人諸前輩贖資建築所以及時集會通慶賀之儀聯桑梓之誼法至善也董其事者歷代經營默守遺規終始不渝其中雖經洪楊浩劫而首事得人卒蔚成今日之大觀其功業昭然在人耳目此固宜其傳矣然年深代遠世事無常設遇不幸時虞湮沒故不若輯爲館志俾昭信守而垂永久且夫志者志其成也事成而不志廢前人之功不錄其將何以教後人耶民國十三年甲子邑人呂君鍊百等羣謂有治人不可無治法况前人之經營匪易未可廢於一旦思有以保存之遂爾重訂館章劃分事權選舉李希白先生等組織職員會處理一切館務治理益臻完善先生倡議輯館志蓋欲集前功之大成謀傳于來葉庶使後之人士披志識圖館產館契瞭如指掌于是詢謀僉同公推任君夢湘主其事任君勞身焦思纂分五類逐項說明條理清晰志成將付剞劂瑜因得窺全豹不禁躍然喜曰善矣夫於此益見吾邑人急公好義不讓前輩處今之世有人焉不爲己利而斤斤於公務推斯志也豈不足挽頹風而厚濶俗乎吁吾旌之人何幸而得此榮譽哉不佞叨在鄉末欲頌前人之功德而未能今睹是志更足爲邑人賀矣是爲序

原始

旌邑地瘠山髡人稠田狹耕耨不足以自給則爲百工技藝家居仍無以自飽則爲商販行遊故一邑之人于役四方者綦衆而民俗淳朴急於公義居於鄉莫不聚族而處族必有宗祠有家譜有義塚所以序昭穆明本支恤子姓者彬然成風習爲固有蓋富於聯絡厚於團結由來遠矣金陵陪京四方走集衣食於斯者八皖之民倍於他省而會館之建旌邑乃獨有三一在黨家巷一在竹竿巷一在油市大街皆創於清初雖構屋之小大有差而廳廡壇龕莫不畢具相距數里之內同爲羈旅之人春秋祈報相聚爲歡得一館址斯足矣何事析之以三豈誇多門糜哉經始之謀雖不可考而鄉人士急公之情觀於三館廳壁碑記亦可想見萬一矣洪楊之亂三館未燬而契籍盡失亂平戴公良慶汪公仲岳約同數十鄉人既領還黨家巷竹竿巷兩館復公立議約捐資具稟力爭油市大街館址暨三館市房地基卒能悉慶珠還興築補葺以次完整茲將三會館嵌壁碑記並合同議約錄刊於次藉爲原始實錄以誌不忘

旌邑會館記黨家巷廳壁

從來旌人之爲買也久矣或託業於荆楚或貿遷乎吳越或散處於蜀山易水之間而蒼萃於金陵陵者尤爲夥焉惟是旌邑諸賈客羣相謀曰我等外猶家焉有慶也則賀之有憂也則唁之有公事也則衆議之要必有館焉以爲宴會聚集之所乃得接以義聯以情耳爰是於秦淮之旁遂卜館焉館之初於乾隆四年賈客諸前輩規模已初就矣然而猶未備焉復於嘉慶十年衆賈客各輸其貲以恢擴之於棟宇則益隆於器具則益增於文武關及財神之聖像則益顯盛哉是館也慶賀於其間弔唁於其間公是公非無不於其間諸賈客相親相愛無有二心將見業益盛而財益豐以貨利甲天下不難矣余聞其風而心竊羨之故樂得而爲之記淳邑楚葵氏孫芹拜撰於暮春之初

金陵旌德會館志

嘉慶十四年歲次己巳清和月

是牌輪捐之會凡八書名捐款者一百八十三人

旌德會館重修樓廳碑記黨家巷會館

事之興敗關乎數轉敗爲興則存乎人苟無不可磨之人必不能挽不可回之數揆諸天地之大古今之遠凡大而國家天下小而宮室臺榭事關乎數數存乎人何在不然也而人不之知故往往厄乎數之逆每痛斥其人之不才及得有才者而力爲之挽則又忽忽焉忘其數之所由順並



不知其功之所攸歸無惑乎庸庸者固束手以待而落落者亦將袖手以觀也至頽廢敗壞不可復振乃喟然歎曰數之不可回也如斯夫嗟乎是數也乎哉無人故也是有人而聽乎數之不可回焉故也余於旌邑諸君子修葺會館一事而竊有感乎其數且重思乎其人館自乾隆四年以來其間之才人義士經營創造緣建成正屋若干間美哉輪美哉奐堂堂乎稱鉅觀矣其旁有廢屋數十間有奇亦前同鄉諸君子所置業焉乾隆四年間租於鄰人居之曆數十年來屋不足以護日月牆不足以敵風雨戶不足以容車馬堂不足以坐賓客垣頽瓦解棟折椽崩苔青草綠塞戶盈門如是而欲令桑戶捲樞易而爲杏梁松棟囊牖圭竇易而爲峻宇雕甍是不啻易無鹽爲西子之美也是不啻易范丹而爲石崇之豪也是不啻易單寒下士而爲公侯卿相之榮也苟非大有人焉從而振興之夫豈易爲力哉而旌邑同鄉諸君子乃於嘉慶十一年還鄰人租而贖之於是一心志解囊橐鳩厥工庀厥材不數年而畫閣朱樓迴廊曲檻悉於是乎告厥成噫此固數之順也實人之力苟非其人烏能敗而復興若斯耶及問其數之所由順功之所攸歸此則曰是某某之力也而吾不與焉彼又曰是某某之力也而吾不與焉讓功於此而此不受讓功於彼而彼亦不任爰互作遜謝曰非一人之力也固同鄉諸君子之力也雖然事關乎數數存乎人安有無其人而能成其事者哉成其事而不邀其功則其功愈大有其人而不名其人則其人益高矣不敏因記其實以勸後之有勞勿施有善不伐者是歲庚午夏四月淳邑孫芹客於綠天書屋作也

金陵旌德會館志

五

是碑輸捐之會及團體凡十三書名捐款者三百八十人

油市大街會館嵌壁碑甲

金陵爲南省通衢吾邑同人於嘉慶元年置水西門會館俾商賈士庶憩息於茲意良厚矣嗣因商士日□館地狹隘□□擴而更新之□□□□幸得牆之西有鄧姓餘屋出售者卽館地開擴之基也公同商議□□倒篋而出兼□各鎮鄉□□□捐輸共□□□輸銀若干除備買受餘屋外所餘之資更新棟宇整理房間迄今告竣商賈有牽車之樂儒士得借枝之棲豈不益善惟好善樂□者不登□□示碑□何以□□□將來匪惟播此日芳聲抑亦俟後來之繼起者耳爰爲序於左

道光八年十二月吉日首人

鄭惟先

韓延松

戴朝三

鄒萬順

王聘侯

劉耀庭

韓庭芳

王子良



主公議合同字人

戴良慶 汪仲岳

等緣吾邑向在金陵貿易人衆各行生意興旺公事浩繁原建會館三

所在於評事街竹竿巷水西門大街南門黨家巷三處凡遇公事集衆商議以昭劃一詎自咸豐三年逆匪竄擾城池被據十數載吾邑貿易者均各搬遷遠徙幸賴憲威統帥克復金陵城池吾邑衆姓聞風陸續旋赴金陵各安恆業將見市廛興暢凡一切規條必須遵照舊章辦理爰邀同合邑衆姓齊集公議派舉董事仍復監修會館俾與公事庶有攸歸現竹竿巷與黨家巷兩處會館業經歸還吾邑執守惟是水西門會館以及三處會內市房地基現爲軍營佔住未讓竊吾邑堂堂人衆公業豈容他人佔據置之罔聞况鄉闈在邇士子應試藉可居寓即往來貿易之人亦可投宿大有裨益幸望合邑衆姓各宜從公踴躍輸將量力資助公同具稟請歸水西門會館公業儘先修整斯所以爲議事重處並請舉首事照管另立規條俾各遵辦俟後生意興旺衆姓齊集再行公議捐輸從新三處會館相繼前人之首創以垂永遠之不朽今立合同三紙各會館收執一紙存照大發

同治三年十月 日立公議合同字人 戴良慶 王華庭 汪仲岳 劉文琦 戴天祝

江鑑湖 呂勉軒 韓元福 鄭玉樓 王連慶

金陵旌德會館志

陳紱堂 戴芝生 王德泰 戴松祥 江薪之

王和元 江繼賢 汪玉林 汪復庵 管功贊

江魯珍 汪德昌 江萃蘋 江鈞衡 汪文大

戴明喜 汪漢章 劉四貴 江瑤文 汪應燾

王高祥 王長壽 劉永章 劉長福 郭國兆

呂馨庵 劉謹忠 朱家善 任德壽 呂及林

戴託福

執筆江象五

查右列合同計有三紙原係三館分執嗣經歸併三紙彙存契據內保管此注

沿革

館址創建既如鼎足各有市產經董不一於是賢者勞瘁以集事不肖者因緣以爲好瑕瑜之間不免互見同治三年三館之立合同議約志在合力爭產而事權各執不無畛域之分泊光緒三十二年鄉人士鑒於三館分立物情渙散提議合併釐訂館章公舉李君希白江君幹卿任君蔚

文爲館董整理館產經紀出納稽其散失葺其破敗十數年來收入倍增市產寢擴月有餘蓄之金歲有徵信之錄鄉人士翕然稱之在初三館之外別立之會頗多其著者曰聖義會公益會長興會文昌會崇貞會孟蘭會材會類皆以時集資間亦置有市產雖於會館神几匾額各有供獻而各私所有初無徵信至是均歸併會館不復另立標幟其未歸併者僅一而咸亨會而已迨民國甲子夏江李任三君以經管多年艱辛備歷力請辭職嗣經呂君鍊百汪君期瑜江君誠卿江君孟如等重訂館章十條以事董店董分治事董責在處置館務店董責在保管銀錢互相監察凡百公開定制益臻完善奉行日見井然事董之選仍爲李君希白汪孟伯平副之三載以來遵章辦理無有或渝治人治法相得益彰準是利行百世其可矣茲將重訂館章錄後

#### 民國甲子年重訂南京旌德會館館章

第一條 本館遵照舊制三館聯合所有館務由館員選舉事董二人店董八家檢查員六人處理之凡旅寧同鄉具有公民資格者皆得爲本館館員

第二條 前條所舉被當選者之資格規定列左

(一)項)事董在甯同鄉辦理事業具有成績或負有學識品格之聲望者

#### 金陵旌德會館志

八

(二)項)店董在甯同鄉以現設立店舖資本充裕者爲限但不拘何業

(三)項)檢查員在甯同鄉以具有學識及經驗充足或負有品格之聲望者

第三條 本館以館務殷繁得由事董店董檢查員組織職員會添聘名譽館董一人以補助事董店董職務之進行並承受諮詢事件但以對於本館素有特別勤勞及爲實力之援助者爲限

第四條 事董之職權如左

一、指導館務進行方針

二、保管館產(管理館產之各項契據及所有存項)

三、提倡公益

四、審核館產館賬逐年公布

五、館內員司任用及辭退但須召集職員開會經過半數決定之

六、召集開會(關於本館舊習慣所有者同)

第五條 店董輔助事董籌劃進行但店董權限除準用前條一三項外並有輪年保管館

產現欸儲交銀行之權其輪年次序由店董籤定之

前條及本條所規定之事董店董管理銀錢職權一項遇有正當開支如滿百元以上欸項非經召集職員會過半數議決不生效力

第六條 檢查員之職權除準用第四條一四兩項規定外並有隨時檢閱館賬稽核館產之權  
每逢開會討論議案得有議決權

第七條 事董店董檢查員任期三年期滿改選得被選連任但無故不得辭職職員中有敗壞館務者得由職員會或館員大會公決黜退之

第八條 事董店董檢查員均義務職但館內僱用員司得酌給薪資仍須召集職員會經過半數決定之

第九條 職員會期每年開常會兩次分夏冬兩季舉行由事董會同值年店東召集之但遇有店董及檢查員二人以上認為有開臨時會之必要者得聲請事董隨時召集如事關重要仍另召館員大會議決之

第十條 本館館章經被選事董店董檢查員開會通過如有未盡事宜應修改者得由館員十人以上提議交由職員會修改之

金陵旌德會館志

甲子年被選職員姓名錄

事董

李希白君 汪伯平君

店董

任天泰 李光明 汪紫淵閣 劉永吉 呂福康 方德裕 程元興 田德源

檢查員

江孟如君 汪翔瑜君 江誠卿君 呂鍊白君 任惠卿君 戴漢三君

名譽館董

江幹卿君

集會

古者燒錢鳴鼓逢社日以報功祠旒磔雞舉蜡臘以歡譙粉楸共祭父老偕來此里門之相娛實桑梓之必敬泊乎鄉閭稍遠市井都非萍梗相遭茶奠莫插值佳節而涉想每勝會之難尋而乃

相逢羈旅緬想家山竟情話之常通聆鄉音而無改春秋祭掃聯裙屐於郊原伏臘招邀具雞豚之酒饌東山臺榭寧無宰肉之風北海樽罍大有餽羊之禮斯古誼所猶存吾邑之獨具也綜其集會約有數期

文昌會 二月初三日文昌帝君誕館之執事具香楮設庭燎鄉人士儒冠童甫相率往拜雖清茗外他無供饌而雜坐論文互有師友此於科舉時最著盛況今則世風衰歇每歲躬與者一二者舊而已

清明會 先期館遣司事携紙箔購魚肉分交大士庵宗正庵兩義塚墳僕屆期第一日鄉人士同至大士庵以次至雨花山養虎巷祭掃禮畢午餐每席魚肉一大鍋家鄉風味也佐以蔬菜兩甌第二日至宗正庵亦如之每祭輒百數十人紙箔暨魚肉之費需在百金歲以爲常

關帝會 五月望既逾關聖誕兩日仍設之關帝會是日黨家巷會館懸燈綵具香楮張樂設飲晨至麵一盂午餐八簋殮則設酒筵鼓樂之作昔爲清音坐唱嗣用留聲機代之均喧闐竟日晨麵之制後至者向隅則改予制錢五十銅增至百文惟以百人限邑人挈子女少長咸集陶然呼酒醉輒披襟坐談家鄉風土津津不倦執事者揖讓其間非邑人固不敢溷跡嘗試也每會約食金陵旌德會館志

金陵旌德會館志

四十餘席共費百四五十元此甲子前事此歲兵警戒嚴格於功令不獲舉斯會鄉人惜之脫復舉者物價之昂恐倍於往昔矣

觀音會 創爲茲會者始於何年其詳不可考聞聯合約四五十人人各贖貲一二金存儲生息以子金爲歲費每屆六月十九日至大士庵延僧禮懺其事甚細館之執事者未加過問而亦曆久不輟於以見鄉人合羣之力雖在細故猶加動焉

孟蘭會 在昔邑人於會館之外別有斯會之設自併會館後每年七月望於是有茲會之舉初於黨家巷會館延僧爲瑜珈焰口近年改於大士庵行之間亦備具紙箔邑人具衣冠往拜者亦衆初不因無酒食而懈也

謝神會 嘉平月之望會曰謝神亦於黨家巷會館行之鋪張譙飲豐儉悉做關帝會而年度且終歲功垂畢慰勞相將歡情倍洽烹羊包羔之樂蓋不過此矣

關帝謝神兩會尼而未行及今三載蓋於甲子之冬職員會鑿於兵燹之後旅甯鄉人生業彫敝風雪載途無以卒歲者十而五六爰移兩會酒食之資作臨時冬卹大口錢二千小口半之鄉人稱便乙丙兩歲踵行未懈而求卹者歲增不已於是有浮冒焉甚矣作善之難而鄉人生活之艱

亦於茲可想嗚呼譙饗之禮豈饗饗是好聯桑梓歎耳舍歡樂而開郵豈前人始料所及乃並開  
郵而亦勢有不行焉則與其爲婦人之仁毋甯肆筵大嚼無負前人集會雅意之爲愈矣  
右皆歲以爲常以時集合此外有所謂材會者初蓋釀金置槌具遇鄉人無以爲殮則施之其款  
措諸集腋故亦以會名嗣此舉歸公項籌辦無所謂會而館之施材仍以會名沿習相稱不忘前  
人儼美云

### 產契

契爲產券官私以相守也三館屋契失於洪楊亂既平善後局頒發執照以代之故舊有之產悉  
憑執照略而不詳四至鮮載幸舊構未燬記其間數卽無毫髮之差雖竹竿巷館址執照一再墨  
批間數盡謬而老屋具在奸民百出其技無以相混也舊照暨新置之契均經民國二年呈驗領  
有新契茲併錄之說明新繪圖次及租價與租客姓氏產權原屬三館者析黨家巷曰甲油市街  
曰乙竹竿巷曰丙三館歸併以後增置者曰丁蓋以存其真云

### 黨家巷會館房屋執照

善字第一千五百四十七號承領舊屋民人旌德會館汪應森等

### 金陵旌德會館志

十一

江甯善後總局 爲給發執照事今據安徽省寧國府旌德縣人汪應森等呈明城

內黨家巷朝南  
外

有舊存房屋三披二十九間又地基陸間經保甲局委員履勘詢問明確原契實係被亂遺失取  
具該民人如敢冒認願甘治罪切結存卷合行給照爲此照給汪應森等收執准其暫行管業兩  
年以內不准轉典轉售如承領之後另有真業主出來呈明確據卽將在前具結領之冒人枷號  
兩個月充軍四千里以示嚴懲決不寬貸須至執照者

右照給汪應森等收執

同治四年八月二十八日給

### 總局

一新驗契一紙 江蘇省新契紙國稅廳籌備處印發

甯字第十二萬三千三四號 民國三年十二月報稅

### 說明

新繪第二十一圖正宅兩廳一殿公用西首旁宅十間現租與饒寶森押租一百元月租十  
六元原屬之甲

小黨家巷市房契紙

賣契紙局字第一千一百六十號賣主趙潘氏業戶旌德會館

江南甯屬整頓田房契稅處 為給發官契紙事案奉

督憲札准

度支部咨稅課司案呈本部具奏整頓田房稅契酌提加收之款抵補洋土藥稅厘一摺單一分  
宣統元年五月十六日奉

旨依議欽此相應刷印原奏清單恭錄

諭旨飛咨兩江總督欽遵辦理等因轉行到處業經通飭各州縣一體遵辦在案茲有立杜賣住  
房文契趙潘氏全子榮昇階等今將夫遺原買房地自行翻蓋添造住房已產一業坐落江甯  
縣城中小黨家巷 字舖地方計朝北迎街磚牆門面兩號大門內一進朝南倒座六架樑平房  
並排兩間天井一方右首朝西廂房一廈二進七架樑平房並排兩間後大井一條右首小瓦披  
一廈後至隣牆為止隨房週圍墻垣俱以本房柱腳為憑上房下地土木磚石瓦片相連在房裝  
修另單存查俱各不動罄產交代近因正用通家商議明白央中說合自願將此房憑中證人等

金陵旌德會館志

十二

立契出杜賣與

旌德會館名下永遠執業居住當日三面言定本房得受曹平八五兌銀二百六十兩正其銀即  
日憑衆契下一手付足趙姓等親手收清分毫不少銀契兩交明白自杜賣後聽憑買主拆卸翻  
蓋任意更新永遠為業奉 部例凡民間杜賣產業契明價足日後永不增找永不回贖永斷葛  
根房係趙姓原買已產與別房別姓無干嗣後倘有族親長幼上業異姓人等爭論家務分晰不  
清及指房質押重複典當一切膠葛不清之事均惟出筆人一方承當與買主毫無干涉此係兩  
相情愿允買服賣並非債準逼勒等情恐後無憑立杜賣房文契永遠存照 計附原買正印尾  
紅契一紙又上首聯照一紙共二件付執

宣統二年六月 日立契人趙潘氏十同子榮階 十

昇 十

清 十

顯 十

孫汝霖 十

憑中劉發章 汪壽泉十

戴佐臣 任偉文押

戴璧如 戴良階

戴素湖 范富有十

呂雲南 張裕生

李熙伯押 張子沅十

江淦青 官牙張選青押

一附原買周陸氏正印尾紅契一紙同治八年九月立

一附上首周陸氏聯照一紙

善字第二千一百一十一號  
江寧善後總局同治七年十一月給

一附新驗契一紙

江蘇省新契紙國稅廳籌備處印發  
善字第十二萬三千三十一號民國三年十二月投驗

說明

新繪附第二十一圖與館屋西宅後進毘連宣統二年新置現租與江溶生押租四十元月租八元此為三館合併後所增之產應屬之丁

金陵旌德會館志

十三

義興巷市房三間執照

善字第二千九百七肆號承領舊屋民人旌邑會館

江寧善後總局

為給發執照事今據

省

府

縣人旌邑會館呈明城

內義興巷河字舖朝南  
外

有舊存房基三間大門向西經保甲局委員履勘詢問明確原契實係被亂遺失取具該民人如敢冒認願甘治罪切結存卷合行給照為此照給旌邑會館收執准其暫行管業兩年以內不准轉典轉售如承領之後另有真業主出來呈明確據即將在前具結冒領之人枷號兩個月充軍四千里以示嚴懲決不寬貸須全執照者

右照給旌邑會館收執

同治九年三月二十八日給

總局

一新驗契一紙

江蘇省新契紙國稅廳籌備處印發

寧字第十二萬三千三八號民國三年十二月投驗

說明

新繪第二十圖租客江寅谷住此已四十餘年押租二十元月租二元原爲孟蘭會之產併歸黨家巷會館者原屬之甲

銀作坊基地執照

善字第三千五百八十六號承領舊屋民人

江甯善後總局 爲給發執照事今據 省 府 縣人旌德會館呈明城

內銀作坊朝西外

有舊存房基十三間披一夏天井兩方食井一口經保甲局委員履勘詢問明確原契實係被亂遺失取具該民人如敢冒認願甘治罪切結存卷合行給照爲此照給旌德會館收執准其暫行管業兩年以內不准轉典轉售如承領之後另有真業主出來呈明確據即將在前具結冒領之人枷號兩個月充軍四千里以示嚴懲決不寬貸須至執照者

右照給業主旌德會館收執

同治十年十二月十二日給

總局

一新驗契一紙 江蘇省新契紙國稅廳籌備處印發

金陵旌德會館志

十四

甯字第十二萬三千四一號民國三年十二月投驗

說明

新繪第十七圖查該基地係孟蘭會之產歸併黨家巷會館中間有成亨會典產致成零落現靠銀作坊之一進三間租與項姓押租三十元月租四元旁宅二間租與戴傳壁押租十八元月租一元四角屬之於甲

銀作坊收回浮房契紙

立推繳劈杜浮房文約旌邑會館衣業咸亨堂首事人等情因於光緒二十一年租本會館孟蘭會名下在江寧縣治銀作坊小巷內基地一方起造坐東朝西七架樑瓦平房三間又對照坐西朝東五架樑瓦平房三間又由天井披牆門內晒院坐東朝西五平房二間東廂一個坐西朝東五平房一間緣起造時公項不敷即已借債完工兼之連年敬

神正用虧欠年復一年拳石步堆彙欠更多是以邀集公商將對照坐西朝東五架樑瓦平房三間又牆門內晒院坐西朝東五平房一間在屋門窗格扇一應裝修上連瓦片磚牆板壁盡行不留天井晒院東廂前後門公走公用門外食井公用今推繳劈杜賣與本會館樂善施材堂名下

執業當日得受杜價英洋三百五十元整一併收足以還各債清楚日後咸亨堂公項充盈議定  
原價回贖彼此皆屬一縣之公產兩無異說今欲有憑立此推繳劈杜浮房文約為據  
光緒二十六年五月 日立推繳劈杜實浮房文約旌邑會衣業咸亨堂首事人等同見

憑衆戴漢章 朱則林

陳玉成 劉頌元

任子英 劉懋釗

任起善 劉永濤

任厚田 劉厚忠

戴福壽 汪漢文

戴漢三 任蔚文

戴金元 陳文漢

戴良富

戴傳雲

金陵旌德會館志

戴傳城

戴蘭芳

戴于生

一新驗契一紙 江蘇省新契紙字第十二萬三千三二號  
民國三年十二月投驗

說明

新繪第十八圖註明典產係孟蘭會之基地而咸亨會在上蓋浮房復以浮房典與黨家巷  
會館近年屢請回贖未果現經租者二間租客為朱春山押租二十元月租二元五角暫屬  
之甲

百花巷瓦匠巷內市房二廈一間執照

善字第一千六百六三號承領舊屋民人旌德會館

江甯善後總局 為給發執照事今據 省 府 縣人旌德會館呈明城

內百花巷朝東外

有舊存房屋二廈一間經保甲局委員履勘詢問明確原契實係被亂遺失取具該民人如敢冒  
認願甘治罪切結存卷合行給照為此照給旌德會館收執准其暫行管業兩年以內不准轉典